

EUROHPA RÁÐÐI MINISTTARKOMITEA

Ávžžuhus CM/RecChL(2007)7

Guovllugielaid dahje vehádatgielaid guoskevaš eurohpalaš vuodđogirjji heiveheamis Suomas

(man ministtarkomitea lea dohkkehan skábmamánu 21 beaivve 2007 ministaraid várrelahtuid 1011. čoahkkimis)

Ministtarkomitea

guovllugielaid dahje vehádatgielaid guoskevaš eurohpalaš vuodđogirjji 16 artikla mielde

vuhtii váldimiin Suoma dásseválddi skábmamánu 9. beaivve 1994 vurken ratifiserengirjji,

vuhtii váldimiin guovllugielaid dahje vehádatgielaid guoskevaš eurohpalaš vuodđogirjji áššedovdikomitea árvvoštallama vuodđogirjji heiveheamis Suomas,

doallamiin mielas, ahte dát árvvoštallan vuodđuduvvá Suoma goalmát mearreáigásaš čilgehusas addin dieđuide, Suoma virgeoapmahaččaid addin dievasmahtti dieđuide, Suomas lágalaččat vuodđuduvvon servošiid ja servviid doaimmahan dieđuide ja maiddá komitea riikkagalledeami áigge ožžojuvvon dieđuide,

vuhtii váldimiin Suoma virgeoapmahaččaid doaimmahan kommeanttaid komitea čilgehusa sisdoalus,

ávžžuha, ahte Suoma virgeoapmahaččat vuhtii váldet komitea buot fuopmášumiid ja ovdasajis:

1. nannejit ainge sámegielat oahpahusa, erenomážit ovddidemiin vuogádatlaš politihka ja guhkesáigge ruhtadanplána,
2. álget hoahpumus lági mielde doaimmaide suddjen ja ovddidan dihte anáraš- ja nuortalašgiela, mat leat ainge erenomáš áitatvuloš gielat, eandalitge ordnemiin bissovaš giellabesiid,
3. ovddidit ainge sámegiela geavaheami joavkodieđihangaskomiin, erenomážit televisios ja aviissain, dárbbu mielde ovttasbarggus eará Davviriikkaiguin,
4. ollašuttet lassidoaimmaid sihkkarastin dihte ruoŧa- ja sámegielat sosiála- ja dearvasvuodáfuolahusbálvalusaid oažžunvejolašvuoda,
5. ovddidit ja ollašuttet innovatiivvalaš strategijaid románaoahpaheaddjiid skuvlema dihte ja viiddidit románagielat oahppamateriála buvttadeami.